

Tla vita sunse tres endó confrontés con cosses co se fej ponsé, ince avenimonc desco l'ont y la gran nei, co á fat dann; sen les coies, co á architè döt cant. Al se fej ponsé.

I minun da n'avei nia tomp da perde por l'oraziun, da jí a Messa y en prozesciun, nia dlaorela da tigní la domegna y da fá en sorvisc tla comunité; döt tomp pordü.

Y sen s'á döt tigní sò t'en iade, architè jò nosta büsia da messei fá y da nia pordüje.

Sen él da sté a ciasa y nia jí entoronn, nia plü turism a vigne cost.

I án davagné tomp; i sun endó nos; i viun por nos y con nos.

Na pert dij: cösc orèl ester, cösc se fej bun. I orun s'accontenté y emparé da odei ince les atres beles cosses, ince les atres porsones y samben Chelbeldio. I án la liberté y responsabilité... odarun!

I essun ince orü tigní na Carsema plü intensiva tla comunité, mo ara é júda atramonter; ensciö é vignönn enstes envié a na preparaziun personala ala gran Festa de Pasca, ch'i sperun/periu de podei endó festejé düc deboriada „sani e salvi“.

Signor Degan Iaco Willeit

1 Enformaziuns y termins

Sorvisc ai Jogn: lasciun alessei che tal proiet **COOL SUMMER** (5 elementara - 2 mesana) él ciamo te cöstes edemes posc a desposiziun: *S.O.S* (06.07-10.07), *Curs da bouldern* (6.7-10.7), *Skateweek* (20.7-24.7), *N'edema da atur* (27.7-31.7), *Lego Technik Freak* (10.8-14.8 Grup B), *Mi laur tl dagni podess ester* (10.8-14.8) y *Cartoon music and beats* (17.8-21.8). Tal proiet **MY SUMMER** (dala 3 mesana ala 2 scora alta) él ciamo la posibilité da se scrí ite a: *Curs da cujiné* (20.7-24.7), *Game week* (27.7-31.7) y *Edema sò por munt* (27.7-31.7). Iscriziuns tres la plata internet: www.proiec.org. Por enformaziuns cherdé só te SaJ, ☎ 0474 523070.

#Preghiamolnsieme per gli anziani che in modo speciale in questo momento soffrono una grande solitudine, alle volte con tanta paura. Loro ci hanno dato la saggezza, la vita, la storia... siamo vicini a loro con la preghiera.

#Preghiamolnsieme per i medici, il personale ospedaliero, i volontari che stanno dando la propria vita per salvare gli altri. E per le autorità, per chi deve prendere decisioni in questo momento. Tutte queste persone sono le colonne che ci difendono in questa crisi.

Papa Francesco

Döt le bun a: Maria Gabriella Willeit Rindler * 22.03.1933
Lois Craffonara * 27.03.1940
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ



Ann A

22.03.2020 - Cuarta domegna de Carsema "Laetare"

n. 17

Sön la strada dal Iominus

1 Sam 16, 1b.6-7.10-13b | Ef 5, 8-14 | Jan 9, 1-41

Dal Vangelo do San Jan:

¹Jenn por tru, á Gejú odü n el co ea verc da so nadé ensö. ²Danló l'á sù discepui damané: Rabbi, che á pa fat picé? El enstes? O á sù geniturs fat picé, ch'al é nasciü verc? ³Gejú á respognü: No sù geniturs, no el n'á fat picé, mo l'opra de Dio dess gní manifestada pa d'el. [...] ál spödé ia por tera; spo ál fat con la spöda na pasta, ti l'á sferiada al verc söi edli ⁷y ti á dit: Va y láete tal le de Scíloa; Scíloa ô dí: L'Anunziadú. L'el é jü y s'á laé. Y canch'al ea endö gnü, odèl. [...] ¹³Danló áí condüt chel el, co ea sté verc, dai farisès. ¹⁴Al ea endere sábat en chel de che Gejú á fat la pasta y ti á daurí i edli. ¹⁵Ince i farisès l'á damané, cò mai ch'al odea endò. L'el ti á respognü: Al m'á motü na pasta söi edli; spo m'ai laé y sen veighi. ¹⁶Valgügn farisès minâ: Cösc chescian ne sciafia nia da gní da Idio, deach'al ne ten nia le sábat. Mo d'atri dijea: Cò pó pa n piciadú fá de te' segns? Ensciö él salté fora na despartiziun danter ei. ¹⁷Spo áí ciamó n iade damané le verc: Ci nen dijeste pa enstes de d'el? Al á pö daurí tū edli. L'el á respognü: Al é n profet. [...] ³⁵Gejú á aldí, ch'ai l'á sciüré fora, y canch'al l'á encunté, ti ál dit: Creieste tal Fi dal Om? ³⁶L'el á respognü: Che é pa chel, Signur? Dímal, por ch'i creies te el. ³⁷Gejú ti á dit: Te le veighes dan da te; chel co baia con te, chel él. ³⁸Y al á dit: I creii, Signur! [...]

Oraziun dal de

Periun! Signur, nosc Dio, te to Fi aste reconzilié le monn con te a na maniera tan demorveia: dáí a to popul na fede sterscia, ch'al se proi con ligreza söle tru dal ben adancuntra ala festa de Pasca. Por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen

(Lezionar A)



Letöres dla Cuinta domegna de Carsema:
Ez 37, 12b-14 | Rom 8, 8-11 | Jan 11, 1-45

Edema liturgica dai 22.03. ai 29.03.2020

Aladô dles desposiziuns dla diozeja ne pón tigní degünes messes y funziuns te dlíjia (les dlíjies é ma davertes por momonc d'oraziun personala).

Porchel vegnel lascé alessei che val funziuns sará da aldí tal **Radio de Ploania**. Ares gnará dites te dlíjia por che düc pói ascuté y perié empara, mo **la dlíjia sará dertant slüta!**

Tal **Radio Sacra Famiglia** (93,00 MhZ) pón ascuté na s.m. ales 8:00 y ales 18:30.

| | |
|----------------------|--|
| DOM 22. | Cuarta domegna de Carsema "Laetare" <i>beat Clemens August, Elmar</i> |
| 08:30 | De dal Seminar y dai internac y dles scores dla dlíjia gran messa por dōta la ploania, <i>radio de ploania La Pli</i> |
| 12:00 | al ven soné adöm: les ciampanes envieia al'oraziun |
| 19:30 | la ciampana envieia al'oraziun |
| Lön 23. | <i>Turibio Mongrovejo, Rebeca</i> |
| 19:30 | la ciampana envieia al'oraziun |
| Ded 24. | <i>Elias, Oscar Romero, Caterina, Simon</i> |
| 19:30 | la ciampana envieia al'oraziun |
| 19:30 | Corona , <i>radio de ploania Al Plan</i> |
| Dem 25. | GRAN FESTA DL'ANUNZIAZIUN DAL SIGNUR , <i>Annunziata</i> |
| → 08:30 | s.m. en onú de Santa Maria, <i>radio de ploania La Pli</i> |
| 12:00 | al ven soné adöm: les ciampanes envieia al'oraziun |
| 19:30 | la ciampana envieia al'oraziun |
| 19:30 | Les Staziuns – Via Crucis , <i>radio de ploania Al Plan</i> |
| Jöb 26. | <i>Luidger, Larissa (Lara), Tecla</i> |
| 19:30 | la ciampana envieia al'oraziun |
| Ven 27. | <i>Haimo, Frowin</i> <i>astinonza dla cern</i> |
| 19:30 | la ciampana envieia al'oraziun |
| 19:30 | Les Staziuns – Via Crucis , <i>radio de ploania Al Plan</i> |
| Sab 28. | <i>Guntram, Wilhelm, Ioana</i> |
| 19:30 | la ciampana envieia al'oraziun |
| DOM 29. | Cuinta domegna de Carsema <i>Helmut, Wilhelm, Ludolf</i> |
| 08:30 | gran messa por dōta la ploania, <i>radio de ploania La Pli</i> |
| ora da disté! | |
| 12:00 | al ven soné adöm: les ciampanes envieia al'oraziun |
| 19:30 | la ciampana envieia al'oraziun |
| <i>i recordun:</i> | <i>Iustina Agreiter ved. Maneschg † 22.03.2011</i> <i>Rosa Rigo ved. Canins, La Ila † 23.03.2010</i> |



Na spöda miracolosa (Jan 9, 1–41)

I ponsi do

Cösta encuntada é por Gejú endô na ocasiun de revelaziun y salveza.

Gejú ti dá a düc chi co vir tla scürité dal picé, dal egoism y dla desperaziun la löm dla fede.

Nosta umilté da odei ete ch'i sun verc i dá a Gejú la poscibilité da se daidé y se salvé; la convinziun superba da ester bogn da susc ne lascia nia nasce en raport de redenziun y de aiüt.

I preii ensciö

Adorâste veramonter chel paltan de tera y spöda por varí chel püre verc? El n'á por fortuna nia odü ci che t'as fat, caro Gejú, zonga s'an fossel sciampé.

Mo döt á na spiligaziun: l'ega, la tera, le paltan se porta al meterman, canche Dio á cherié le monn, la löm, les cosses, i tiers y enultima la porsona, a chera ch'al ti á dé so spirit de vita.

Tö és belo enló, Gejú. Döt é gnü fat tres te. Y ince sen daste entres endô vita, scinches löm y emplesces i cörs de to Spirit. Zonga te sunse stöp, con te gnunse creatöres vies. Zonga te sunse verc y nia bogn da odei i segni de tö amur, con te él le cör y la mont co se daür a contemplé les belezes che tö as fat por nos. Ünjesse con le paltan de to amur, láesse con l'ega de töa misericordia y nusc edli odará to müs, en müs conesciü, ligher y encontont. Co podesson pa nia creie y nia te gní dō con ligreza?

→ “La storia dla Tor de Bábel cuntada ai mituns” jará ennant plü tert.



Unité Pastoral Val Badia – “Aktion Verzicht – Azione io rinuncio”



Cuarta domegna de Carsema

I sun gnü te cösc monn a iudiché, por che i verc veighi y chi co veiga vegni verc. Á dit Gejú – Jan 9, 39

Le dí dai atri y le iudiché ven spontan danter nos porsones. Sön cösta Parora de Gejú lasci el ester le iudicadú iüst y i proi da ester pa i verc y i mo lasci daurí i edli da el enstes.



Gran festa dl'Anunziasiun dal Signur



L'angelo dal Signur á anunzié a Maria, **y era á conzepí por opra dal Spirit Sant.**

Maria á dit: lu sun la fancela dal Signur, **al sozedes con me desche t'as dit.**

Y la Parora de Dio s'á encarné,

y á abité danter nos.

Preia por nos, Santa Oma de Dio,

ch'i gnunse degns de ci che Gejú Crist nes á empormotü:

Periun: Dio onipotent, jüta ete töa grazia te nusc cörs. Con l'anunziasiun dal angelo anse conesciü l'encarnaziun de Gejú Crit, to Fi: fá ch'i gnunse degns, por i miric de söa pasciun y mort, da tó pert ala gloria de söa ressureziun. Por Crist, nosc Signur. Amen.